

Naguá sa'a ní tú ni iyo ñati tuni ni nuu in ñayiví ja ndo'o COVID-19

Nda tu'un ja ni ndujéé kivi 26 enero kuiya 2022

- Tu'un ja ni ndujéé siki nasa kindasi tágua kita'an jín ja ka'an [Centers for Disease Control and Prevention \(CDC, Ve'e nuu jito ji jekani nda kue'e\)](#) nuu tutu siki ja koo jika ji ja [kindasi yo](#) tiñu ja jiniñu'un sa'a ndi'i ñayiví.
- Tu'un ja ni ndujéé siki nasa kindasi tágua sa'a [nda ñayiví ja ndututu](#).

Nuu kije'e

Tú ni iyo ñati ní nuu COVID-19, axi jani ini ní ja ni iyo ñati ní, kuu chindeé ní tágua ma kutenuu ka virus nuu ñayiví ve'e ní ji ini ñuu ní. Kundiki ní nda tu'un ja yoso ya'a. Tíin ní cuenta ja ka'an nda tu'un ya'a siki nda tiñu ya'a:

- Nda suchí skua'a ji nda ja satiñu nuu nda escuela K-12 jiniñu'un ja kandija ji [tu'un tatuni tutu K-12](#) (vachi nuu yu'u Inglés).
- Nda ñayiví ja kindoo ji axi ja satiñu ji nuu nda ve'e nuu satatan jiniñu'un ja sa'a ji tanu ka'an nuu nda tutu CDC [Tutu ja kuu kuatiñu nda ñayiví ja satiñu nuu satatan de ndo'o ji SARS-CoV-2 axi ni iyo ñati ji nuu SARS-CoV-2 ji CDC Tu'un ja chindeé ji ja sa'a ja jekituu kue'e nuu nda ñayiví ja satiñu nuu satatan mita iyo pandemia kue'e coronavirus 2019 \(COVID-19\)](#).
- Tú satiñu ní axi yí'i ní ini in vekaa, nuu kindoo nda ñayiví ja nduu na ve'e ji, sa'a ní ja kachi nda tu'un ya'a [Tu'un ja jiniñu'un sa'a nda ñayiví ja ndee ji axi satiñu ji nuu kututu ñayiví](#).

Nda ve'e ja jito tiñu ja satatan ini ñuu kuu kuatiñu ji tu'un ja jini ji, tágua sukua kuni ji naguá sa'a ji tú jitenuu kue'e, de kuu kakan ji nuu nda ñayiví ja kundiki ji nda tu'un ya'a.

Ni iyo ñati sa nuu in ñayiví ja ni kee ja ndo'o ji COVID-19 de nduu ku'u sa. Naguá jiniñu'un sa'a sa.

Nduu jiniñu'un ja kindasi ní tú:

- Ja ni [kani ndi'i](#) vacuna COVID-19 ní, suni nda tatan ja ni kani kua'a ka ji nda ja ni kani inka jichi, tú ja iyo kuiya ní ji sukua jikan yiki kuñu ní.
 - Tú ja ni kani ndi'i tatan jichi xinañu'un de ncha'a kani ja kani inka jichi, jiniñu'un ja ya'a vese 2 semana ja ni kani nda tatan ja kani xinañu'un jichi de ni jikuta'an ní jín ñayiví ja ndo'o COVID-19 tágua ma kindasi ní.
- Ni kee ja ndoo ní COVID-19 jín in [prueba viral](#) nuu 90 kivi ichi yata de ni nduva'a ní.

Tú nduu jiniñu'un ja kindasi ní, jiniñu'un ja sa'a ní nda tiñu ya'a:

- Sa'a ní in prueba COVID-19 vese 5 kivi ichi nuu ja ni jikuta'an ní jín ñayiví ja ndo'o COVID-19. Tú ni kee positivo nuu prueba ní, sa'a ní ja kachi nda tu'un ya'a [Naguá sa'a ní tú ni kee positivo nuu prueba COVID-19 ní \(wa.gov\)](#).
 - Tú ni kee ja ndo'o ní COVID-19 jín in [prueba viral](#) nuu 90 kivi ichi yata de ni nduva'a ní, sa'a ní in prueba antígeno (ma sa'a ní in prueba PCR) vese 5 kivi ichi nuu ja ni jikuta'an ní jín ñayiví ja ndo'o COVID-19.
- Kuatiñu ní in ja [kasi va'a yu'u ní](#) tú iyo ñati ní nuu ñayiví ve'e ní axi nuu inka ñayiví vese 10 kivi ichi nuu ja ni jikuta'an ní jín ñayiví ja ndo'o COVID-19; vese ni kee negativo nuu prueba COVID-19 kasi ní yu'u ní 5 ka kivi.
- Koto ní nasa sa'a kue'e ní 10 kivi nde kivi ja ni jikuta'an ní jín ñayiví ja ndo'o COVID-19.
- Tú ni xtuu kue'e ní, [sa'a ní in prueba](#) maa ní de kundiki ní nda tu'un ya'a [ni iyo ñati sa nuu in ñayiví ja ni kee ja ndo'o COVID-19 de mita ku'u sa. Naguá jiniñu'un sa'a sa.](#)

Kindasi ní ini ve'e ní tú:

- Nduu na vacuna ní axi ncha'a kani ndi'i vacuna COVID-19 ní; AXI
- Nduu ni [kani ndi'i](#) vacuna COVID-19 ní, suni nda tatan ja ni kani kua'a ka ji nda ja ni kani inka jichi, tú ja iyo kuiya ní ji sukua jikan yiki kuñu ní.

Kindasi ní ve'e ní de suni:

- Sa'a ní prueba COVID-19 jín in [prueba viral](#) vese 5 kivi ichi nuu ja ni jikuta'an ní jín ñayiví ja ndo'o COVID-19. Tú ni kee positivo nuu prueba ní, sa'a ní ja kachi nda tu'un ya'a [Naguá sa'a ní tú ni kee positivo nuu prueba COVID-19 ní \(wa.gov\)](#).
- Koto ní nasa sa'a kue'e ní 10 kivi nde kivi ja ni jikuta'an ní jín kue'e.
 - Tú ni xtuu nde ni in nda [kue'e ja sa'a COVID-19](#): kujika ní, [sa'a ní in prueba](#), maa ní de kundiki ní nda tu'un ya'a [ni iyo ñati sa nuu in ñayiví ja ni kee ja ndo'o COVID-19 de mita ku'u sa. Naguá jiniñu'un sa'a sa.](#)

Nasaa tiempo kindasi sa.

Tú kuu [sa'a ní](#) kuatiñu ní in ja kasi ní yu'u ní tú iyo ní nuu ñayiví ve'e ní axi inka ñayiví:

Tú kuu kuatiñu ní in [ja kasi va'a ní yu'u ní](#), kanuu ja kindasi ní ini ve'e ní **5 kivi** nde kivi ja ni jikuta'an ní jín ñayiví ja ndo'o COVID-19, de ma xndoo ní ja kasi ní yu'u ní tú iyo ní inka ñayiví, va'a ni kuu ta'an ve'e ní axi inka ñayiví **5 ka kivi** (nde jinu kivi 10). lini yindasi ní, kuatiñu ní in ja kasi va'a ní yu'u ní tú iyo ñati ní nuu inka ñayiví, tú kuu sa'a ní. Ja ma xndoo ní ja kasi ní tu'u ní kúni ka'an ja ndukú ní in ja kasi va'a ní yu'u ní ndaká jichi ja iyo ñati ní nuu ñayiví ja iyo ji ini ve'e axi tave'e, de ma sa'a ní tiñu jín nda ñayiví nuu ma kuu ja kasi ní yu'u ní, tanu ja kusun ní, kaji ni xtaa axi ja suté ní. Ma kuu ja sama ní ja kasi ní yu'u ní (tanu in sa'ma ja jatiñu yo ja kasi yo nuu yo) nuu nda 5 kivi ja jiniñu'un kundasi yu'u ní.

- Tú ni kee negativo axi ma kuu ja sa'a ní in prueba nuu 5 kivi ja ni jikuta'an ní jín in ñayiví ja ndo'o kue'e COVID-19, kuu jinu kivi ja kindasi ní tú nduu ni xtuu kue'e ní de vese saa kasi va'a ní yu'u ní tú iyo ní nuu iyo inka ñayiví ja iyo ji ini ve'e axi nuu iyo kua'a ji nde ya'a 10 kivi.

- Ma [kee jika ní](#) nuu 5 kivi ja yindasi ní. Sa'a ní prueba maa ní nuu 5 kivi ja ni jikuta'an ní jín kue'e de va'a kunde'e ní ja prueba ní kee negativo ji ja ma xtuu kue'e ní iini ndetu ni kivi ja kee ní. Tú ma sa'a ní pueba, ka'vi ní 10 kivi nde kivi ja ni jikuta'an ní jín ñayiví ja ndo'o COVID-19 tágua kuu kee ní. Tú jiniñu'un ja kee ní de ncha'a jinu 10 kivi, kasi va'a ní yu'u ní tú iyo ñati ní nuu ñayiví iini ñu'un ní ichi nde jinu 10 kivi. Tú ma kuu ja kasi ní yu'u ní, ma kee ní nde jinu 10 kivi.
- Ma ki'in ní nuu ja ma kuu kasi ní yu'u ní, tanu nuu nda restaurante ji sava nda gimnasio, de ma kaji ni xtaa tú iyo ñti ñayiví nuu ní ini ve'e ní ji nuu satíñu ní nde jinu 10 kivi ja ni jikuta'an ní jin ñayiví ja ndo'o kue'e COVID-19.
- Tú kuu, ma koo ñati ní nuu ñayiví ve'e ní, vi'i ka nuu nda ñayiví ja [yika ka ji](#) ja kundo'o xeen ji kue'e COVID-19, ji suni nuu sava ka ñayivi nde jinu 10 kivi ja ni jikuta'an ní jín ñayiví ja ndo'o COVID-19.
- Nuu vese 10 kivi ja ni jikuta'an ní jín ñayiví ja ndo'o COVID-19, ma koo ñati ní nuu nda ñayiví [ja nduu satíñu va'a yiki kuñu axi ja sanaa xeen tuni kundo'o ji kue'e](#), de ma ki'in ní nuu kutatan nda ñayiví (suni nuu ndee nda ñayiví ña'nu) ji inka ka nuu yika iyo.
- Nda ñayiví ja satíñu ji nuu satíñu kua'a ñayiví de siki ñukua ma kuu ja ko jika nuu ta'an ji (tanu kuu, nuu tava'a ndatiñu, nda fabrica ji nuu chuva'a kuñu ji ja kaji yo) jiniñu'un ja kindasi ji (koo jika ji) nuu tiñu sa'a ji 10 viki nde kivi ja ni jikuta'an ji jín ñayiví ja ndo'o COVID-19, jiniñu'un ja kandija ji tu'un ja ka'an siki nasa kuu ja kindasi yo ini ve'e yo ja iyo ichi siki ya'a tú kuu [kasi va'a ji yu'u ji](#).
- Nda ñayiví ja ndee ji nuu ndee nda ñayiví ja ja satíñu ji jiniñu'un ja kindasi ji 10 viki nde kivi ja ni jikuta'an ji jín ñayiví ja ndo'o COVID-19.
- Nda ñayiví ja kindoo ji axi ja satíñu ji nuu ndute mar (tanu kuu, nda barco ja tíin tiaka, nda barco ja ndíso ndatiñu, nda crucero) jiniñu'un ja kindasi ji 10 viki nde kivi ja ni jikuta'an ji jín ñayiví ja ndo'o COVID-19. Kunde'e ní nuu [CDC nuu tutu](#) ja kachi nasa sa'a tágua ní in ka ní tu'un siki nasa satíñu ní nuu nda tiñu ya'a.

Tú [ma kuu ja](#) kuatiñu ní in ja kasi ní yu'u ní tú iyo ní nuu ñayiví ve'e ní axi inka ñayiví:

Tú kuu kuatiñu ní in ja [kasi va'a yu'u ní](#), jiniñu'un ja kindasi ní **10 kivi** nde kivi ja ni jikuta'an ní jín ñayiví ja ndo'o COVID-19. Ma kee jika ní nde jinu 10 kivi ja yinsasi ní.

Tu'un ja chindeé nuu nda ñayiví ja kindoo ji axi satíñu ji nuu kututu ñayiví:

Nda ñayiví ja kindoo ji axi satíñu ji ini vekaa, nuu kindoo ñayiví ja ni sa'a kuachi, nuu kuya'vi, nuu kindoo nda ñayiví ja nduu na ve'e ji nda ñayiví ja ndukú nuu kusun jiniñu'un ja koo jika ji nuu ñayiví vese ja ni kani ji vacuna maa ji axi vese ja ni nduva'a ji nuu kue'e COVID-19 nuu 90 kivi ichi yata.

- Nda ñayiví ja kindoo ji ini nda ve'e ya'a jiniñu'un ja kindasi ji 10 viki nde kivi ja ni jikuta'an ji jín ñayiví ja ndo'o COVID-19 de sa'a ji in prueba nuu 5 kivi ja ni jikuta'an ji jín ñayiví ja ndo'o COVID-19.
- Nda ñayiví ja satíñu ji de nduu ndee ji nuu nda ve'e ya'a jiniñu'un ja ma ki'in ji nuu satíñu ji 10 kivi nde kivi ja ni jikuta'an ji jín ñayiví ja ndo'o COVID-19, de jiniñu'un ja kundiki ji

tu'un ja ka'an nuu tutu siki nasa kindasi yo ini ve'e yo ja iyo mita de va'a ní tú kuu axi ma kuu ja kuatiñu ji in ja [kasi va'a yu'u ji](#).

Nuu nda kivi na kumani tuni ñayiví ja satíñu, nda vekaa, nuu kindoo ñayiví ja ni sa'a kuachi nuu kuya'vi, nuu kindoo nda ñayiví ja nduu na ve'e ji nda ñayiví ja ndukú nuu kusun kuu kani ini ji ja jaku ka kivi kinsadi in ñayiví tágua sukua ma jekituu tiñu sa'a ji. Tú jani ini ji ja sa'a ji sukua jiniñu'un ja ka'an ji jín ve'e nuu jito tiñuja satatan ini ñuu.

Nasa ni iyo ñati sa nuu COVID-19.

Virus ja sa'a kue'e COVID-19 ñama ka jitenuu ji nuu nda ñayiví ja ni iyo ñati nuu ta'an ji (nuu ñati 6 pies axi uu nda'a). Nda ñayiví ja ndo'o COVID-19 kuu skuikin ji virus nuu inka ñayiví nde uu kivi ja ncha'a xtuu kue'e ji (axi 2 ichi yata ja ni kee positivo nuu prueba vese nduu ni xtuu ke'e ji) nde 10 kivi ichi nuu ja jani xtuu kue'e ji (axi 10 kivi ichi nuu ja ni kee positivo nuu prueba vese nduu ni xtuu ke'e ji).

Tú in ñayiví ja ndo'o COVID-19 kujika ji 5 kivi de jasi ji yu'u ji 5 kivi ja ni iyo jika di de nda kue'e ndo'o ji ni nduva'a axi ni naa ji nuu 5 kivi, nda ñayiví ja ni iyo ñati ji nuu nda kivi 6 ji 10 nduu kuuji in ñayiví ja ni iyo ñati nuu kue'e tú nduu ñu'un ji in ja [jasi va'a yu'u ji](#). Tú ñayiví ya'a nduu ni jasi va'a ji yu'u ji, nda ñayiví ja ni iyo ñati ji nuu ji nuu nda kivi 6-10 kuu ji in ñayiví ja ni iyo ñati nuu kue'e.

Kuu yo in ñayiví ja ni iyo ñati nuu kue'e tú un iyo yo ñati 6 pie nuu in ñativí ja ndo'o COVID-19 nuu ñati 15 minuto axi kua'a nuu 24 hora. Sava nda ñayiví jikin kue'e COVID-19 ji vese nduu ni jini ji nasa ni kuu. Tú in ñayiví ja ndo'o COVID-19 ni kachi ji nuu ve'e satatan ja n iyo ñati ji nuu ní, sanaa ka'an de jín ní tágua [sa'a de nda tu'un jikatu'un nuu ñayiví tú iyo va'a ji](#).

Nasa kuni sa nasaa kivi kindasi sa.

Kivi ja ni jikuta'an ní jín ñayiví ja ndo'o COVID-19 iini skukin ji kue'e kuu kivi 0. Kivi 1 kuu kivi xteen ja ni jikuta'an ní jín ñayiví ja ndo'o COVID-19.

Nagua sa'a ní tágua kindasi ní

- **Koto ní nasa sa'a kue'e.** Ñama kí'in ní nuu médico tú ni xni'in kue'e ní. Tú jiniñu'un ní ja chindeé nuu ní ka'an ní nuu 911, kachi ní ja ndo'o ni nda kue'e ja sa'a COVID-19. Tú kuu, kasi ní yu'un ta ncha'a kuenda ji nuu iyo ní.
- **Koo jika ní nuu inka ñayiví,** tanu kuu nuu ñayiví ve'e ní, kiti ndeka ní, tú kuu ja sa'a ní. Kindoo ní ini in ni ve'e, kuatiñu ní in ni bañu tú kuu. Tú jiniñu'un ja koto ní in ta'an ní axi in kiti, kasi ní yu'u ní ji nanda'a ní ta ncha'a ji ta ja ni iyo ñati ni nuu ji. Iyo ka tu'un siki [COVID-19 ji nda kiti](#) nuu página ya'a.
- **Kuatiñu ní in ja [kasi va'a yu'u ní](#)** ta iyo ñati ní nuu ñayiví ji ta ncha'a kivi ní ini consultorio in ñayiví ja satatan. Tú ma kuu ja kasi va'a ní yu'u ní, nda ñayiví ja ndee ini ve'e jiniñu'un ja ma koo ji ini ve'e nuu iyo ní; jiniñu'un ja kasi ji nuu ji axi kuatiñu ji in ja kasi va'a xitin ji ta kivi ji ini ini ve'e nuu yi'i ní.
- **Ndukú ní nasa sa'a ní tágua [va'a kuni tachi ini ve'e ní](#),** tú kuu.
- **Ma kuatiñu ní in ni ndatiñu jín ñayiví axi kiti ntanu kuu ko'o,** vasu, taza, nda ja jatiñu ní ja kaji ní xtaa, toalla axi sa'ma ja yoso nuu jito ini ve'e ní.

Kua'a ní tu'un ja nda ñayiví satatan katu'un de ní

Tú in ñayiví ja ndo'o COVID-19 ni kachi ji nuu nda ñayiví ja satatan ja ni iyo ñati ji nuu ní, sanaa nda ñayiví ja satatan tetiñu ji in tu'un nuu ní axi ka'an ji yokaa nuu ní. Kachi ji naguá sa'a ní ji kachi ji naguá kuu ja chindeé nuu ní mita. Ma kachi ji na ñayiví ni je'e sivi ní. Tú sanaa ni xtuu kue'e ní, katu'un ji sivi ní ji ndekuu nda ñayiví ja ni iyo ñati ji nuu ní tágua sukua tetiñu ji in tu'un nuu ji ja sanaa ni iyo ñati ji nuu kue'e. Ma kachi ji ndekuu ní jín nda ñayiví ja ka'an ji jín.

Ni iyo ñati sa nuu in ñayiví ja ni kee ja ndo'o COVID-19 de mita ku'u sa. Naguá jiniñu'un sa'a sa.

Tú ni iyo ñati ní nuu COVID-19 de ni xtuu [kue'e ní](#) (vese nduu xeen sa'a) , jiniñu'un ja kindoo ní ve'e ní de ma koo ñati ní nuu ñayiví de sa'a ní in prueba COVID-19 jín in [prueba viral](#), vese ja ni kani vacuna ní. Ka'an ní jín ñayiví ja sa'a tatan tágua sa'a ní in prueba. Kachi ní ja ni iyo ñati ní nuu in ñayiví ja ndo'o COVID-19 de mita ndo'o ní kue'e.

- Tú ni kee nuu prueba antígeno ja nduu ndo'o ni kue'e, ñayiví ja taji tatan nuu ní kuu tetiñu ji ja ki'in ní nuu taji inka prueba.
- Tú jetiñu ní in nda [prueba ja sa'a maa ní](#), kundiki ní ta in tatuni tu'un ja ndíso nda ndatiñu ya'a.

Kuatiñu ní in ja [kasi va'a ní yu'u ní](#) tú sanaa iyo ñati ní nuu inka ñayiví axi tú kee ní ve'e ní. Nda ka ñayiví ja nduu ndee ji ini ve'e ní jiniñu'un ja kuatiñu ji in ja kasi ji nuu ji tú koo ñati ní nuu ji. Tú ni xni'in kue'e ní axi ndo'o ni inka kue'e ka'an ní jín in ñayiví ja satatan.

Tú nduu na in ñayiví ja satatan neva'a ní: Iyo kua'a nuu ja taji de in prueba sukua ni axi nduu ndee ya'vi tuni, va'a ni na ndenu vaji ni. Kunde'e ní nuu [Department of Health's Testing FAQ \(Nda tu'un jikatu'un ka siki nda prueba ja iyo nuu Ve'e nuu jito ja Sa'a tatan\)](#) axi ka'an ní nuu [Tu'un ñuu WA siki nasa iyo COVID-19](#). Ka'an ní nuu 1-800-525-0127, ñukua de kuaxin ní #. Iyo nuu ke'en yu'u.

Tú kuu ní in ñayiví ja ni iyo ñati nuu kue'e de mita ni xtuu kue'e ní, sa'a ní in prueba de kundiki ní ja ka'an nda tu'un ya'a:

<p>Tu'un ja ni kee nuu nda prueba ta ja ni xtuu kue'e</p>	<p>Ñativí ja ni iyo ñati kuu:</p> <ul style="list-style-type: none"> • Ñayiví ja ni kani ndi'i nda vacuna COVID-19, suni nda tatan ja kani kua'a ka ji ja kani inka jichi, tú ja iyo ñayiví kuiya ji de sukua jikan yiki kuñu ji. • Ni kee ja ndoo ní COVID-19 jín in prueba viral nuu 90 kivi ichi yata de ni nduva'a ní. 	<p>Ñativí ja ni iyo ñati kuu:</p> <ul style="list-style-type: none"> • Ñayiví ja ncha'a kani ndi'i vacuna xinañu'un ji. • Ja nduu ni kani ndi'i nda vacuna COVID-19, suni nda tatan ja kani kua'a ka ji ja kani inka jichi, tú ja iyo ñayiví kuiya ji de sukua jikan yiki kuñu ji.
<p>Ni kee positivo axi nduu ni sa'a prueba</p>	<p>Sa'a ní ja kachi nda tu'un ya'a Naguá sa'a ní tú ni kee positivo nuu prueba COVID-19 ní (wa.gov). Tú ma sa'a ji prueba, jiniñu'un ja kundiki ji tu'un siki nasa kindasi yo kasi yo yu'u yo ja ka'an siki tú ni kee ja ndo'o yo kue'e.</p>	<p>Sa'a ní ja kachi nda tu'un ya'a Naguá sa'a ní tú ni kee positivo nuu prueba COVID-19 ní (wa.gov). Tú ma sa'a ji prueba, jiniñu'un ja kundiki ji tu'un siki nasa kindasi yo kasi yo yu'u yo ja ka'an siki tú ni kee ja ndo'o yo kue'e.</p>

<p>Negativo</p>	<p>Kindoo ní ve'e ní nde:</p> <ul style="list-style-type: none"> • Nduu chí'in ka ka'ni ji nuu 24 hora de nduu jatiñu ka ji tatan ja jenkuiñi ka'ni ji, DE • Kuaduva'a ji nuu nda kue'e ja sa'a ja ni xtuu. <p>Kuna'an ní ja ka'an nuu tutu ichi yata siki ja kasi yo yu'u yo, nda prueba ji ja kindasi yo ve'e yo tú kindoo ní axi satiñu ní nuu kututu ñayiví (kunde'e ní nuu Ni iyo ñati sa nuu in ñayiví ja ni kee ja ndo'o ji COVID-19 de nduu ku'u sa. Naguá jiniñu'un sa'a sa nuu tutu ya'a).</p>	<p>Ndije'e ní ja kindasi ní (kunde'e ní nuu Ni iyo ñati sa nuu in ñayiví ja ni kee ja ndo'o ji COVID-19 de nduu ku'u sa. Naguá jiniñu'un sa'a sa nuu tutu ya'a).</p>
------------------------	---	--

Naguá kuni ka'an ja koo jika ní ji ja kindasi ní.

- Ja **koo jika** kuu tú ndo'o ní kue'e COVID-19, tú ndetu ní nasa ni kee prueba ní axi tú ni kee ja ndo'o ní COVID-19. Ja koo jika kuni ka'an ja kindoo ní ini ve'e ní ji koo jika ní nuu inka ñayiví (tanu kuu nda ta'an ve'e ní) nuu ñati [ndi'i tiempo ja jikan](#) tágua ma kutenuu ka kue'e.
- Ja **kindasi** ní kuu ja sa'a ní tú ni iyo ñati ní nuu COVID-19. Ja kindasi kuni ka'an ja kindoo ní ve'e ní ji koo jika ní nuu inka ñayiví nuu ñati [ndi'i tiempo ja jikan](#) tú sanaa ni jikin kue'e ní axi kuu skuikin ní kue'e. Ja kindasi ní sama ji de jiniñu'un ja koo jika ní tú ni kee ja ndo'o ní COVID-19 axi ni xtuu kue'e COVID-19.

Kua'a ka tu'un ji ja kuu kuatiñu siki ja iyo COVID-19

Ndukú ni tu'un jee nuu [nasa iyo COVID-19 mita ini ñuu Washington](#), [tu'un ja kachi Gobernador Inslee](#), [ja sa'a kue'e](#) (vachi ni nuu yu'u Inglés), [nasa jitenuu](#) (vachi ni nuu yu'u Inglés), ji [nasa ji na tiempo kuu ja nda ñayiví sa'a ji prueba maa ji](#) (vachi ni nuu yu'u Inglés). Kunde'e ní nuu [nda tu'un jikatun ka](#) (vachi ni nuu yu'u Inglés) tágua ní'in ní ka tu'un.

Raza/ñuu axi na ndenu vaji in ñayiví nduu chituu tágua in ñayiví kundo'o ji COVID-19. Vese saa, ja jini siki COVID-19 kuu ja xeen ka ndo'o nda ñayiví tuun. Ya'a kuu siki ja sin raza ji, de ví'i ka kuu tú ndo'o nda'vi ji, ya'a sa'a ja nduu ní'in ñama ji tatan de sukua ndo'o ka ji axi ñuu ji. [Ja sa'a yo sukua jín nda ñayiví ma chituu kue'e](#) (vachi ni nuu yu'u Inglés). Vachi ni skutenuu ní tu'un ja jiniñu'un ñayiví tágua sukua ma koo tu'un tu'un axi tu'un ja nduu iyo ndaa.

- [Ve'e ñuu WA Department of Health kue'e jéé coronavirus 2019 \(COVID-19\)](#) (vachi ni nuu yu'u Inglés)
- [Tu'un ja xndikoo ñuu WA nuu coronavirus \(COVID-19\)](#)
- [Nandukú ni ñuu ní axi ve'e ja satatan ja iyo ini ñuu ní](#) (vachi ni nuu yu'u Inglés)
- [CDC Coronavirus \(COVID-19\)](#)
- [Ja ma kunde'e ndeva'a ñayiví Ja kuu sa'a](#) (vachi ni nuu yu'u Inglés)

A iyo tu'un jikatu'un ní siki COVID-19. Ka'an ní yokaa: **1-800-525-0127**, lunes – viernes, nde 6 a.m. nde 10 p.m., A iyo ka tu'un jikatu'un ní. Ka'an ní yokaa nuu taji sa tu'un siki COVID-19: 1-800-525-0127

Lunes – nde 6 a.m. nde 10 p.m., martes – domingo ji nda kivi iyo viko, nde 6 a.m. nde 6 p.m. Táguá ní'in ní tu'un nuu inka yu'u, kuaxin ní # tú ni ka'an ñayiví de kachi ní na yu'u ka'an ní. Tú iyo tu'un jikatu'un ní siki tú iyo va'a ní, nda prueba COVID-19 axi siki nasa ni kee nda prueba, ka'an ní jín in ñayiví ja taji tatan.

Táguá ní'in ní tutu ya'a nuu inka yu'u, ka'an ní nuu 1-800-525-0127. Nda ñayiví ja so'o ji axi ja nduu nini va'a ji, kuu ka'a ji nuu 711 ([Washington Relay](#)) (vachi ni nuu yu'u Inglés) axi tetiñu ji in correo nuu civil.rights@doh.wa.gov.